

LEDSCHA D'ORGANISAZIUN PER IL CUMÜN DA S-CHANF

REGISTER

Artichel

1. Disposiziuns generelas

Scopo e champ da validited	1
Principis da l'agir administrativ	2
Obligaziun da discreziun / secret d'uffizi / dovair d'infurmaziun	3
Partecipaziun a tschantedas	4
Consultaziun da perits	5
Egualited da sex	6

2. Suprastanza cumünela

Decasteris / domenas	7
Surdedas dals decasteris e da las domenas	8
Delegios	9
Tschantedas da suprastanza	10
Inoltrer dumandas	11
Propostas da procedura / spuster üna fatschenda e revgnir	12
Decisiuns circoleras / tschantedas cun mezs d'agüd electronics	13
Consegna comunicaziun da las decisiuns	14
Dovairs e cumpetenzas	15
Radunanza cumünela / invid / inoltrer dumandas	16

3. President cumünel

Dovairs e cumpetenzas	17
-----------------------	----

4. Suprastant dal decasteri

Dovairs e cumpetenzas	18
Giuntas e collavuraziun	19

5. Direcziun d'affers

Cumposiziun / funcziun / survagliaunza	20
Tschantedas / protocols / infurmaziun	21
Abilited da decisiun e votaziuns	22
Dovairs e cumpetenzas	23

6. Administraziun cumünela e collavuratuors cumünels	
Funcziun e dovairs da l'administraziun cumünela	24
Chanzlist cumünel	25
Collavuratuors cumünels	26
 7. Cumischiuns	
Installaziun e protocols	27
 8. Finanzas	
In generel	28
Principis	29
Procedura da permiss d'expensas da püs nivels	30
Plan da finanzas	31
Decisiun da credit	32
Büdschet	33
Investiziuns	34
Legislaziun da submissiun	35
Procedura d'invid	36
Procedura a maun liber	37
Cumpetenzza surdedas	38
Permiss d'expensas	39
 9. Disposiziuns finelas	
Ordinaziun supplementaria da la suprastanza cumünela	40
Entrer in vigur	41

As basand sün **l'artichel 39 e l'artichel 57 da la constituziun cumünela** ordinescha la radunanza cumünela la seguainta ledscha.

1. Disposiziuns generelas

Scopo e champ da validited	Art. 1
----------------------------	--------

- 1 La ledscha regla l'organisaziun funcziunela da la vschinauncha.

Princips da l'agir administrativ	Art. 2
----------------------------------	--------

- 1 Las autoriteds, las cumischiuns ed ils collavuratuors cumünels sun in lur agir lios a la ledscha ed als principals dal dret public. Els resguardan ils principals administrativs chi s'orienteschan invers cliaints ed üna administraziun effizianta. Els s'ingaschan pel bainster generel e resguardan ils drets da tuot ils abitants scu eir dals giasts.

Obligaziun da discreziun / secret d'uffizi / dovair d'infurmaziun	Art. 3
---	--------

- 1 Aarsalv las ordinaziuns da la ledscha davart il princip da trasparenza sun ils commembers da las autoriteds, da las cumischiuns, ils collavuratuors cumünels scu eir privats, chi accumplischan lezchas publicas per la vschinauncha, oblios a la discreziun a regard fatschendas d'uffizi chi in lur caracter u seguond uorden speziel sun secretas. Sainza decisiun da la suprastanza cumünela nu paun actas esser accessiblas a terzs. Il secret d'uffizi es da perchürer eir zieva la sortida da l'uffizi, resp. zieva il schogliment da la relaziun d'ingaschamaint.
- 2 Infurmer il public es lezcha dal president cumünel u in cas d'impediment dal vicepresidente i'l ram dals principals da la ledscha da trasparenza e da las cundiziuns da la suprastanza cumünela.

Partecipaziun a tschantedas	Art. 4
-----------------------------	--------

- 1 Ils commembers da las autoriteds, da las cumischiuns scu eir da la direcziun d'affers sun oblios da piglier part a las tschantedas, aarsalv motivs s-chüsabels.
 - 2 S-chüsas motivedas sun da comunicher al president uschè bod scu pussibel.
 - 3 Persunas absaintas u chi piglian s-chüsa sun da noter i'l protocol.
-

- 1 Las autoriteds e las cumischiuns as paun lascher consulter da collavuratuors cumünels u d'oters perits d'uraunt lur tschantedas.

- 1 Denominaziuns da persunas, professiuns e funcziuns in quista ledscha as refereschon a tuot ils sex, per quaut cha nu resulta ünguott'oter our dal sen da la ledscha.

2. Suprastanza cumünela

- 1 La suprastanza cumünela repartischa sieus dovairs sün different decasteris e domenas. Mincha commember da la suprastanza cumünela maina ün decasteri e surpiglia la substituziun d'ün oter.
- 2 Per regla vain l'administraziun repartida süls seguaints decasteris e domenas:

Decasteri 1: Administraziun generela, finanzas, sqürezza publica, sandet, prosperited sociela, persunel

- a) Administraziun
- b) Finanzas ed impostas
- c) Chüra da la giurisdicziun restanta
- d) Cudesch fundiari
- e) Persunel
- f) Pulizia
- g) Pumpiers
- h) Militer e protecziun civila
- i) Chesas d'attempas e da fliamaint, uspidels, fliamaint ambulat
- j) Chüra sociela, istanza sociela
- k) Stab da la direcziun cumünela
- l) Sendas, vias e plazzas cumünelas, vias d'alp

Decasteri 2: Furmaziun, turissem, cultura, temp liber

- a) Scoula (scoulina, scoula primara, scoula secundara, scoula reela etc.)
- b) Scoula professiunela ed ulteriuras spüertas da furmaziun
- c) Servezzan scolastic da sandet
- d) Cultura
- e) Turissem
- f) Sport, temp liber (plazzas da giuver, plazzas da sport)

Decasteri 3: Trafic, fabrica, planisaziun dal territori

- a) Fabrica
- b) Planisaziun dal territori
- c) Provedimaint d'ova
- d) Alluntanamaint d'ova üseda
- e) Lavuratori cumünel
- f) Trafic public
- g) Energia (IE S-chanf)

Decasteri 4: Economia publica

- a) Economia forestela
- b) Resgia
- c) Implaut da gera
- d) Deponia da materiel

Decasteri 5: Agricultura, alps e pasculs, ambiaint, fabricats in possess dal cumün, baselgias

- a) Agricultura
- b) Alps e pasculs
- c) Administraziun da las immundizchas
- d) Repars da las ovas
- e) Fabricats in posses dal cumün
- f) Cluchers
- g) Sunteris

- 3 La suprastanza cumünela po adüna müder quista repartiziun. Impü po la suprastanza cumünela surder ulteriuras domenas a singuls decasteris. La repartiziun dals decasteris e da las domenas e lur scumpart es da publicher.
- 4 La domena finanzas ed impostas suottasto in mincha cas al president cumünel.
- 5 Per l'impraisa electrica da la vschinauncha, in fuorma d'ün affer dependent public, consista üna ledscha separeda, la quela regla pü in detagl l'organisaziun, l'administraziun, ils champs d'activited, las prestaziuns da praster e lur indemnizaziun.

Surdeda dals decasteris e da las domenas

Art. 8

- 1 Al cumanzamaint da la perioda d'uffizi surdo la suprastanza cumünela las domenas als decasteris e reparta ils decasteris süls singuls commembers da la suprastanza. Tar tschernas da renovamaint düraunt la perioda d'uffizi vain la repartiziun fatta dalum zieva la tscherna correspudenta.

- 2 In ün prüm pass reparta la suprastanza cumünela las domenas süls singuls decasteris.
- 3 In ün seguond pass vegnan surdos ils decasteris als commembers da la suprastanza cumünela tenor la seguainta successiun:
 - a) Scu prüm ho il president cumünel da numner sieu decasteri.
 - b) Ils commembers da la suprastanza cumünela reelets paun declarer, sch'els vöglan mantgnair lur decasteri, eir scha que ho do müdamaints a regard las domenas. Uschi-gliö paun els tscherner ün nouv decasteri illa successiun da lur vuschs survgnidas. Finelmaing staun ils commembers nouvelets da la suprastanza cumünela tscherner ün decasteri illa successiun da lur vuschs survgnidas. Decisiv per la successiun da tscherna sun las vuschs survgnidas infra ün scrutin. Commembers tschernieus i'l prüm scrutin haun prioritèd in conguel a quels tschernieus i'l seguond scrutin. Scha'ls commembers nu vaun daperüna a regard la surdeda dals decasteris, decida la suprastanza cumünela cun magiurited relativa.

Delegios

Art. 9

- 1 Al principi d'üna nouva perioda d'uffizi tscherna la suprastanza cumünela ils delegios cumünels illas differentas instituziuns ed i'l büro electorel e da votaziun, premiss cha la cumpetenzza da tscherna sün basa dal dret superiur nu tuocho ad ün'otr'autorited. Lotiers resguarda ella la rapreschantaziun pel scumpart dals decasteris. Per regla vegnan tschernieus commembers da la suprastanza scu delegios.
- 2 A vela il seguaint:
 - a) Il president cumünel rapreschainta la vschinauncha illa conferenza da presidents da la regiun Malögia.
 - b) Il president cumünel rapreschainta la vschinauncha i'ls gremis dal Parc Naziunel Svizzer.
 - c) Il president cumünel rapreschainta la vschinauncha illa collavuraziun intercumünela cun Zuoz.
 - d) Il commember da la suprastanza cumünela respunsabel per l'energia es commember da la cumischiun administrativa da l'impraisa electrica S-chanf.
 - e) Il commember da la suprastanza cumünela respunsabel per la furmaziun es causa sieu uffizi president dal cussagl da scuola e commember dal cussagl da scuola « La Plaiv ».
 - f) Il commember da la suprastanza cumünela respunsabel per la fabrica es causa sieu uffizi president da la cumischiun da fabrica e da planisaziun.
 - g) Il commember da la suprastanza cumünela respunsabel per la sandet rapreschainta la vschinauncha i'l cussagl da la fundaziun dal provedimaint da sandet Engiadin'Ota ed illa SA Promulins.

- h) Il commember da la suprastanza cumünela respunsabel pel trafic rapreschinta la vschi-nauncha scu delegio ill'associaziun dals cumüns pel trafic public.
- i) Il commember da la suprastanza cumünela respunsabel pel sociel es president da la cumischiun sociela.
- j) Il commember da la suprastanza cumünela respunsabel pel turissem es causa sieu uffizi president da la cumischiun da turissem.
- k) Il commember da la suprastanza cumünela respunsabel per l'allontanamaint d'ova üseda es il delegio aint i'l consorzi da sarinaziun Engiadin'Ota = ARO.
- l) Il commember da la suprastanza cumünela respunsabel per la deponia da materiel es causa sieu uffizi president dal cussagl administrativ da la «Deponia Bos-chetta Grischa SA». La suprastanza cumünela tscherna our da sieu ravuogl il seguond commember pel cussagl d'administrativ.
- m) A la conferenza da la piazza aviatica fo part il commember da la suprastanza cumünela respunsabel per l'economia publica.

Tschantedas da suprastanza

Art. 10

- 1 La suprastanza cumünela vain bannida tres il president cumünel, il vicepresidente cumünel u in cas d'impedimaint da quels d'ün oter commember da la suprastanza cumünela, e que uschè suvenz scu cha las fatschendas pretendan que. La tschanteda vain mneda dal president cumünel, scha quel es impediue dal vicepresidente cumünel, e scha eir quel es impediue d'ün oter commember da la suprastanza cumünela.
- 2 La suprastanza cumünela fo la planisaziun da termins adüna a la fin da l'an per l'an seguaint. Tar üna perioda d'uffizi chi cumainza nouv vain quella planisaziun fatta al principi da l'an per l'an cumanzo.
- 3 Ils termins per las tschantedas da la suprastanza cumünela, da la cumischiun da fabrica scu eir ils termins per la votaziun a l'urna e las radunanzas cumünelas stöglan gnir publicos scha pussibel al cumanzamaint da l'an.
- 4 Sün giavüsch da duos commembers da la suprastanza cumünela es il president cumünel, u in cas d'impedimaint il vicepresidente cumünel, oblio da bannir üna tschanteda extraordinaria.
- 5 In cas da parited da las vuschs tar votaziuns da fatschendas ho il parsura la vusch da tagl, tar tschernas decida la sort.
- 6 Scha'l piglier s-chüsa d'ün commember da la suprastanza cumünela es dispütaivel tar üna tractanda, schi cussaglia e decida la suprastanza sur dal commember pertucho chi ho piglio s-chüsa ed es absaint.
- 7 Las tschantedas da la suprastanza cumünela vegnan salvedas per regla mincha duos eivnas.

- 8 La documainta sto a disposiziun als commembers da la suprastanza cumünela per regla adüna il venderdi da l'eivna aunz la tschanteda da suprastanza a partir da las 16.00 sül sistem administrativ dal cumün.
- 9 Decisiuns da la suprastanza cumünela chi pertuochoan la direcziun d'affers, u chi resp. staun gnir executadas da tela, staun gnir rinviadas immediatamaing, per regla infra 3 lavurdis, a la direcziun d'affers.
- 10 Il chanzlist cumünel as partecipescha per regla cun vusch consultativa a las tschantedas.
- 11 Las tschantedas da la suprastanza cumünela nu sun publicas.

Inoltrer dumandas

Art. 11

- 1 Ils commembers da la suprastanza cumünela scu eir la direcziun d'affers sun autorisos d'inoltrer dumandas a la suprastanza cumünela.
- 2 Las dumandas sun d'inoltrer in scrit e motivedas.
- 3 Fatschendas na preparedas uschè, e telas chi nu figüreschan sülla glista da tractandas, paun be gnir discussas a la fin, scha tuot ils commembers preschaints sun s'accord.

Propostas da procedura / spuster üna fatschenda e revgnir

Art. 12

- 1 Il prüm stu gnir decis in üna votaziun avierta sur da propostas da procedura. Fin tar lur decisiun es da restrainscher la discussiun losupra.
- 2 La decisiun sur d'üna fatschenda po tar bsögn d'ulteriur sclerimaint, our dad oters motivs importants u sün dumanda dal suprantant dal decasteri pertucho, gnir spusteda sülla pro-sma tschanteda, premiss cha la fatschenda nu saja urgiainta.
- 3 La suprastanza cumünela po revgnir ad üna decisiun, scha quella nun es auncha gnida comunicada e scha la magiurited dals commembers preschaints da la suprastanza cumünela vo d'accord culla dumanda da revgnir.

Decisiuns circoleras / tschantedas cun mezs d'agüd electronics

Art. 13

- 1 Decisiuns paun eir gnir trattas in scrit a maun d'üna ciculera, scha spetter fin tal termin ordinari d'üna tschanteda es temporelmaing impussibel, resp. nun es cunvgnivel a la chosa.
- 2 Decisiuns circoleras bsögnan l'acconsentimaint dad almain trais (3) commembers da la suprastanza cumünela e staun gnir notos in ün protocol.

- 3 Decisiuns circularas nu sun admissas sch'ün commember da la suprastanza pretenda explicitamaing üna discussiun a buocha.
- 4 Tschantedas da la suprastanza cumünela paun eir gnir salvedas cun mezs electronics. Lotiers es que pussibel, ch'üna part da la suprastanza cumünela as raduna ad ün lö, in-taunt ch'ün u püs commembers da la suprastanza cumünela as colleschan electronica-maing, ubain però cha tuot ils commembers da la suprastanza cumünela insembel sun collios cun mezs electronics. Lotiers stu esser garantieu, cha tuot ils participants paun seguir plainamaing e s-chet a tuot ils votums, cha paun plainamaing piglier part a las discussiuns e cha las vuschs dedas paun sainza dubi gnir indatedas. I'l protocol da la tschanteda es da noter explicitamaing, cha la tschanteda es gnida salveda cun mezs electronics.

Consegna comunicaziun da las decisiuns

Art. 14

- 1 Las decisiuns da la suprastanza cumünela vegnan consegnadas da la chanzlia cumünela tenor ordinaziun dal chanzlist cumünel.
- 2 La surdeda da quists documaints po succeder sün via electronica. La comunicaziun a terzs scu eir a las cumischiuns ed als decasteris pertuchos etc. capita per charta, scu consegna da protocol u scu extrat da protocol.

Dovairs e cumpetenzas

Art. 15

- 1 La suprastanza cumünela es l'istanza directiva chi chüra ils dovairs strategics e politics da la vschinauncha. Ils singuls decasteris e progets suottastaun adüna a la responsabilitè d'ün singul commember da la suprastanza cumünela.
- 2 Ultra als dovairs e las cumpetenzas stipuledas i'l artichel 48 da la constituziun cumünela spettan a la suprastanza cumünela impustüt las seguintas cumpetenzas:
 - a) Stipuler böts da legislatura
 - b) Stipuler strategias dal cumün scu possessur d'üna gestiun
 - c) Decreter propostas per mauns da la votaziun a l'urna, resp. da la radunanza cumünela a regard müdamaints da la constituziun e da ledschas
 - d) Decider davart fatschendas da la direcziun d'affers, inua chi nu regna üngüna unanimited.
 - e) Organiser votaziuns e tschernas, impustüt fixer il termin precis da las tschernas cumünelas e'l publicher almain quatter eivnas aunz las tschernas i'l organ ordinari da publicaziun e sülla homepage da la vschinauncha

- f) Decreter ün diagram da funcziun per l'organisaziun da la vschinauncha e la tscherna d'ün büro electorel e da votaziun, per quaut cha quista cumpetenzza nu spetta ad ün'otr'istanza
- g) Ingascher e licenzcher il persunel cumünel cun excepziun da la magistraglia
- h) Decreter ün quadern da dovairs pel büro electorel e da votaziun
- i) Fer contrats davart fatschendas i'l ram da las cumpetenzas administrativas ordinarias
- j) Fer contrats davart l'agricultura i'l ram da las cumpetenzas administrativas ordinarias
- k) Stipuler las taxas per lascher pasculer la muaglia e fer ils contrats per l'alpageda
- l) Decreter ün quadern da dovairs per tuot ils decasteris
- m) Decreter ordinaziuns d'execuziun a regard ledschas cumünelas
- n) Decider sur da recuors, chi tenor ledscha speciela paun gnir pretais cunter uordens administrativs ed uordens da multas dals organs cumünels.

Radunanza cumünela / invid / inoltrer dumandas

Art. 16

- 1 La consegna da las tractandas per mauns dals votants capita tenor l'artichel 40 da la constituziun cumünela ed ho da succeder almain 12 dis aunz cu salver la radunanza cumünela.
- 2 La glista da tractandas es da trametter per posta insembel cul invid. La missiva per mauns dals votants vain publichedada sùlla homepage da la vschinauncha ed es exposta ad invista illa chanzlia cumünela. Sün dumanda vain consegnato a mincha votant üna missiva.
- 3 La suprastanza cumünela decretescha la glista da tractandas, precussaglia ils affers, inoltescha dumandas a la radunanza cumünela ed approva la missiva.

3. Il president cumünel

Dovairs e cumpetenzas

Art. 17

- 1 Ultra als dovairs ed a las cumpetenzas stipuledas i'l artichel 51 da la constituziun cumünela spettan al president cumünel impustüt las seguintas cumpetenzas:
 - a) Esser responsabel per la guida strategica dal persunel e realiser üna filosofia da direcziun omogena
 - b) Rapreschanter la vschinauncha
 - c) Approver insembel cul schef responsabel dal decasteri las expensas i'l ram dals credits approvos e las surdedas (credits da büdschet, d'object e supplementers)
 - d) Insembel cul chanzlist cumünel impraster e rimborser credits a cundiziuns üsitedas dal marchio i'l ram da la cultivaziun da la facultad da finanzas e per garantir la liquidited.
 - e) Coordiner ils affers e lur elavuraziun suot ils decasteris e culla direcziun d'affers.

4. Suprastant dal decasteri

Dovairs e cumpetenzas

Art. 18

- 1 Mincha suprastant dal decasteri rapreschainta sieu decasteri illa suprastanza, survaglia l'execuziun da las decisiuns trattas in sia domena scu eir ils acts officiels bsögnaivels e rapporta a la suprastanza cumünela. In cas d'absenza u da piglier s-chüsa d'ün suprastant dal decasteri surpiglia il supleant respectiv ils drets ed obliigs da tel.
- 2 La suprastanza cumünela po regler in ün reglamaint ulteriurs detagls dals dovairs e da las cumpetenzas dal suprastant dal decasteri.
- 3 Il suprastant dal decasteri prepara, per regla in collavuraziun culla direcziun d'affers, las fatschendas chi pertuochan sia domena per las tschantedas da la suprastanza cumünela.
- 4 Il suprastant dal decasteri infuorma immediatamaing la suprastanza cumünela sur dad evenimaints e svilups particulars ed importants, impüstut davart que chi riguarda finanzas e ris-chs relevants in sieu decasteri ed in organisaziuns inua ch'el rapreschainta la vschi-nauncha.
- 5 Il suprastant dal decasteri ho intern ill'administraziun il dret sün invista da las actas e sün infurmaziun, per quaut cha que bsögna per mner sieu uffizi.
- 6 Il suprastant dal decasteri rapreschainta las cumischiuns, da las quelas el fo part, illa suprastanza cumünela.

Giuntas e collavuraziun

Art. 19

- 1 La suprastanza cumünela po furmer giuntas per prepararer fatschendas d'importanza particulera ubain per mner trattativas cun otras autoriteds e cun privats.
- 2 Scha la suprastanza cumünela incumbenzescha a püs suprastants da decasteris per tratter ün affer, schi es il prüm numno il cumpetent ed il respunsabel per tuot l'affer.

5. Direcziun d'affers

Cumposiziun / funcziun / survagliaunza

Art. 20

- 1 Il president cumünel es officiellmaing il suprant da la direcziun d'affers, in cas d'impe-dimaint vain el substituieu dal vicepresident, resp. d'ün oter commember da la supra-stanza cumünela tschernieu da la supranza cumünela. In quista funcziun ho'l eir il do-vair da survagliar la lavur da la direcziun d'affers. Ils ulteriurs commembers da la direcziun d'affers vegnan determinos da la supranza cumünela. In cas excepziunels motivos po la supranza cumünela diverger da la cumposiziun tenor l'artichel 57 da la constituziun cumünela.
- 2 La direcziun d'affers po as lascher cusglier da specialists a sias tschantedas.
- 3 La direcziun d'affers es da princip respunsabla per l'execuziun da las decisiuns da la su-pranza cumünela. Ella po preschanter propostas a la supranza cumünela.
- 4 La direcziun d'affers suottasto a la survagliaunza completa da la supranza cumünela.

Tschantedas / protocols / infurmaziuns

Art. 21

- 1 La direcziun d'affers s'inscuntra uschè suvenz scu que cha'ls affers pretendan, per regla üna vouta l'eivna.
- 2 Las decisiuns vegnan protocolledas. Dalum zieva la tschanteda stu il protocol gnir ap-pruvo dals preschaints ed in seguit gnir do ad invista a la supranza cumünela sül sistem da l'administraziun d'affers dal cumün. Impü infuormescha la direcziun d'affers reguler-maing a la supranza cumünela sur da si'operusited, impustüt cun correspundenza in scrit, chi resulta our da las decisiuns da la direcziun d'affers scu eir our d'infurmaziuns orelas a las tschantedas da la supranza cumünela.
- 3 Ils commembers da la supranza cumünela paun adüna pretender infurmaziuns sur da l'andamaint dals affers tals commembers da la direcziun d'affers.

Abilitad da decisiun e votaziuns

Art. 22

- 1 La direcziun d'affers es competent da decider, scha'l parsura e duos commembers impü sun preschaints.
- 2 Las decisiuns da la direcziun d'affers succedan unanimamaing. Nun es que pussibel, stu l'affer gnir preschainto a la supranza cumünela, la quela decida losupra.

- 3 In cas urgients po il commember autoriso da la direcziun d'affers trer decisiuns suot resalva d'ün permiss posteriur tes la direcziun d'affers. Quistas staun però gnir suottamissas a la direcziun d'affers per l'approvaziun posteriura illa prosma tschanteda. Il president cumünel u sieu supleant sun d'infurmer immediatamaing.

Dovairs e cumpetenzas

Art. 23

- 1 A la direcziun d'affers spettan in particular impüstut ils seguaints dovairs cullas cumpetenzas da decisiun correspondentas:
- a) Preparer las fatschendas per mauns da la suprastanza cumünela, per quaut cha'ls commembers da la suprastanza cumünela nu las preparan sves
 - b) Executer las decisiuns da la suprastanza cumünela e controller l'execuziun
 - c) Mner l'andamaint operativ da las fatschendas
 - d) Mner e survaglier il persunel scu eir l'execuziun dal reglamaint giuridic da persunel arsalv las cumpetenzas da direcziun dal president cumünel
 - e) Surder las incumbenzas e cumpetenzas a las partiziuns i'l ram da la structura organisatorica relascheda da la suprastanza cumünela
 - f) Elavurer il büdschet scu eir ils plans d'investiziun e da finanza e dal quint annuel, in collavuraziun culs supstants dals decasteris per mauns da la suprastanza cumünela
 - g) Decider a regard expensas i'l ram dal büdschet fin a frs. 50'000 (cumpetenzas d'expensas)
 - h) Decider sur da dumandas da subsidis fin maximelmaing frs. 2'000 per cas
 - i) Surder cundiziuns per la gastronomia i'l ram da la ledscha chantunela e cumünela a regard la gastronomia
 - k) Der permiss per l'adöver da locals publics e per l'adöver passager da terrain public per arrandschamaints da pitschn'importanza
 - l) Stipuler e desdir relaziuns da fittaunza per locals ed immobiglias cumünelas proprias
 - m) Chastier in cas da cuntrafacziuns cunter ledschas cumünelas e da disposiziuns executivas decretadas losupra, per quaut cha que nun es resalvo ad ün oter organ
 - n) Der permiss excepziunels per nun as stuvair tgnair vi dal temp da quietezza
 - o) Decreter imsüras specielas per la regulaziun dal trafic tar lavuors da fabrica, arrandschamaints e.u.i
 - p) Der permiss d'excepziun per transir las vias da marchanzia da god e d'alps
 - q) Mantgnair l'areal dal sunteri
 - r) Limiter il consüm d'ova tar s-charsdet d'ova
- 3 Fatschendas d'importanza subordinada po la direcziun d'affers surlascher a l'administraziun per l'execuziun independenta.
- 4 Ils singuls commembers da la direcziun d'affers haun la cumpetenzas da decider i'l ram dal büdschet sur da spaisas fin a frs. 1000

6. Administraziun cumünela e collavuratuors cumünels

Funcziun e dovairs da l'administraziun cumünela

Art. 24

- 1 L'administraziun cumünela es l'organisaziun administrativa executiva da la vschinauncha, la quela suottasto directamaing al president cumünel ed indirectamaing a la suprastanza cumünela. Ella executescha las funcziuns surdedas in ordinaziuns e decisiuns da la vschinauncha. Ella evada tuot la contabilted, oter cu scha singulas domenas sun gnidas scumpartidas, scu eir ils oters dovairs administrativs publics. Ella executescha las decisiuns e'ls decrets da la suprastanza cumünela, per quaut ch'üngüns oters organs, impustüt la direcziun d'affers ubain terzs, nu sajan incumbenzos cun que ed ella executescha tuot las incumbenzas surdedas da la suprastanza cumünela, resp. dal president cumünel ubain da la direcziun d'affers tenor lur giavüschs.

Chanzlist cumünel

Art. 25

- 1 Il chanzlist cumünel maina l'administraziun cumünela e sieus collavuratuors.
- 2 El pigli'incunter ils affers chi aintran ed ordinescha in perincletta cul president cumünel lur trattativa ed execuziun. El scriva per regla il protocol illas radunanzas cumünelas, illas tschantedas da la suprastanza cumünela e da la direcziun d'affers.

Collavuratuors cumünels

Art. 26

- 1 La relaziun da servezzan e la salarisaziun dals collavuratuors cumünels as drizza tenor la legislaziun chantunela ordinaria, scha la radunanza cumünela nun ho decreto reglas divergentas in ün uorden da persunel. Las ordinaziuns da l'uorden da scoula chantunel restan arsalvedas.

7. Cumischiuns

Installaziun e protocols

Art. 27

- 1 La suprastanza cumünela po impiegher sper las cumischiuns permanentas tenor bsögn e tenor l'artichel 56 da la constituziun cumünela püssas cumischiuns. Aunz la tscherna e la convocaziun da telas cumischiuns decretesch'la lur dovairs e cumpetenzas.
- 2 Las decisiuns da las cumischiuns staun gnir protocolledas. Quists protocols staun gnir suottascrits da l'actuar e zieva l'approvaziun gnir rinvios dal supprasant infra 2 eivnas a la suprastanza cumünela ed a la direcziun d'affers per suottascriver.

8. Finanzas

In generel Art. 28

La ledscha chantunela da finanzas (LFC) scu eir l'uorden chantunel da finanzas (OFC) sun aplichabels correspudentamaing per la vschinauncha.

Princips Art. 29

- 1 Ils mezs publics sun d'impuonder da maniera spargnuossa, economica ed efficazia.
- 2 Resguardand il svilup economic dess il preventiv da finanzas esser equaliso a media vista.
- 3 Mincha expensa premetta üna basa giuridica, üna decisiun da credit ed ün permiss pel pajamaint.
- 4 Cuosts staun gnir surpiglios our da princip dals chaschunaders.

Procedura da permiss d'expensas da püs nivels Art. 30

- 1 Per minch'expensa da libra decisiun bsögna que taunt d'ün credit impegnativ scu eir d'ün credit da büdschet.
- 2 Per las expensas liedas bsögna que d'ün credit da büdschet.

Plan da finanzas Art. 31

- 1 Il plan da finanzas serva a la planisazun a media vista ed a la regulaziun da prestaziuns e finanzas. El vain surelavuro annuelmaing i'l sen d'üna planisaziun currainta e suottamiss a la radunanza cumünela per piglier cugnuschtscha.

Decisiun da credit Art. 32

- 1 Üna decisiun da credit es l'autorisaziun d'ir aint per ün tschert scopo fin ad ün tschert import obligs finanziaels. Credits sun da dumander aunz cu ir aint nouvs impegn e da decider sün basa da valütaziuns minuzchusas dal bsögn probabel.

- 1 La suprananza cumünela fo minch'an ün büdschet ch'ella suottametta a la radunanza cumünela. Quel as cumpuona dal :
 - a. Büdschet quint curraint chi cumpiglia las expensas e'l guadagn dal quint positiv
 - b. Büdschet quint d'investiziuns chi cumpiglia las expensas e las entredgias dal quint d'investiziun
- 2 Tuot las expensas previsiblas cha la vschinauncha es giuridicamaing oblieda da fer illa perioda da quint decisiva, scu eir las entredgias prubablas, sun da piglier sù i'l büdschet. Ils mezs bsögnos per spaisas resp. expensas correspuondan a credits da büdschet.
- 3 Ils credits da büdschet vegnan per regla decis scu credits singuls.
- 4 La suprananza cumünela po dumander per singulas partiziuns d'administraziun ed / ubain affers da redschia büdschets globels.
- 5 Per l'affer dependent public Resgia vain fat ün büdschet globel.

- 1 La decisiun d'investir, voul dir da restructurer la faculted finanziaia interna, suprado a la suprananza cumünela.

- 1 La vschinauncha scu cliainta suottasto a la legislaziun da submissiun chantunela.

- 1 La glista da candidats illa procedura d'invid ho da gnir preschanteda dal suprastant dal decasteri a la suprananza cumünela per approvaziun. Per regla sun d'invider culla procedura d'invid almain trais (3) candidats.

- 1 La glista da candidats ho da gnir preschanteda dal suprant dal decasteri a la supranza cumünela per l'approvaziun. Per las surdedas da sur frs. 50'000 sun d'invider per regla trais (3) candidats.
- 2 Per surdedas da frs. 5'000.00 fin a frs. 50'000.00 sun d'invider per regla duos (2) candidats.

- 1 Sur da surdedas fin a frs. 50'000.00 decida la direcziun d'affers.
- 2 Sur da surdedas sur frs. 50'000.00 decida la supranza cumünela.

- 1 Mincha prestaziun missa in quint es aunz cu la der libra pel pajamaint d'examiner a regard la dimensiun da prestaziun e da qualited. Correspuonda il quint a l'incumbenza deda a regard la dimensiun da prestaziun e da qualited, ho il lavuraint cumünel respunsabel da noter que sül quint, da confermer cun sia suottascripziun e dal der inavaunt al suprant respunsabel dal decasteri. Quist po der cun sieu visum l'incumbenza da pajamaint definitiv fin ad ün import da frs. 5'000.00. Per ün import a partir da frs. 5'000.00 drouva que per l'incumbenza da pajamaint impü eir il visum dal president cumünel.

9. Disposiziuns finelas

- 1 La supranza cumünela po as basand sülla ledscha preschainta decreter ordinaziuns supplementeras. Impustüt decretescha ella ün reglamaint per l'affer dependent public Resgia.

- 1 Quista ledscha d'organisaziun es gnida approveda als 26 avrigl 2023 da la radunanza cumünela. Ella aintra in vigur insembel cull'approvaziun da la revisiun parziela da la constituziun cumünela deliberada in occasiun da la glistessa radunanza cumünela per mauns da la votaziun a l'urna.
- 2 Cun entrar in vigur sun abolidas tuot las prescripziuns da pü bod, per quaut ch'ellas cuntrafaun a la ledscha preschainta. Cumpetenzas divergentas i'l dret superiur ed illa ledscha speciela da la vschinauncha restan arsalvedas.

Decis da la radunanza cumünela dals

Il president cumünel

Il chanzlist cumünel

Lö/data